



MATERI KHUTBAH JUMAT

JAGANEN SHALATMU BAKAL LANCAR REZEKIMU

Abdul Halim Tri Hantoro, S.Pd.I



Dipunpepaki kaliyan pambikakan kaliyan doa penutup

[GRATIS] LANGGANAN MATERI KHUTBAH FORMAT PDF

Enggal-enggal hubungi WA admin dakwah.id

0895-8060-18090

www.dakwah.id

 @dakwahid

 @igdkwh

Ingin berlangganan materi khutbah Jumat
yang akan langsung dikirim
ke nomer WhatsApp?

Caranya mudah.

Sentuh nomor whatsapp berikut ini:

0895-8060-18090

Atau, bisa juga langsung chat WA ke nomor di atas.

JAGANEN SHALATMU BAKAL LANCAR REZEKIMU

Pemateri: Abdul Halim Tri Hantoro S.Pd.I

الْحَمْدُ لِلَّهِ يَبْسُطُ الرِّزْقَ لِمَنْ يَشَاءُ مِنْ عِبَادِهِ وَيَقْدِرُ، إِنَّهُ غَفُورٌ شَكُورٌ. أَشْهَدُ أَنْ لَا إِلَهَ إِلَّا اللَّهُ
وَحْدَهُ لَا شَرِيكَ لَهُ إِلَيْهِ تَصِيرُ الْأُمُورُ. وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى نَبِيِّنَا
مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الْقِيَامَةِ. أَمَّا بَعْدُ
عِبَادَ اللَّهِ، أَوْصِيَكُمْ وَنَفْسِي بِتَقْوَى اللَّهِ عَزَّ وَجَلَّ حَيْثُ قَالَ تَبَارَكَ وَتَعَالَى، أَعُوذُ بِاللَّهِ مِنَ الشَّيْطَانِ
الرَّجِيمِ:

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا
كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا
يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ
يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ
اللَّهَ وَرَسُولَهُ فَقَدْ فَازَ فَوْزًا عَظِيمًا

فَإِنَّ أَصْدَقَ الْحَدِيثِ كِتَابُ اللَّهِ، وَخَيْرُ الْهَدْيِ هَدْيُ مُحَمَّدٍ صَلَّى اللَّهُ عَلَيْهِ وَسَلَّمَ، وَشَرُّ الْأُمُورِ
مُحَدَّثَاتُهَا، وَكُلُّ مُحَدَّثَةٍ بِدْعَةٍ وَكُلُّ بِدْعَةٍ ضَلَالَةٌ، وَكُلُّ ضَلَالَةٍ فِي النَّارِ. أَمَّا بَعْدُ

Jamaah shalat Jumat arsyadakumullah

Puji lan syukur katuraken dhumateng ngarsanipun Allah Ta'ala, Dzat Ingkang Maha Kuwaos dan Ingkang Maha Welas ugi Asih. Namun dhumateng piyambakipun kita manembah lan nyuwun pitulungan.

Shalawat ugi salam mugi tansah kalimpahaken dhumateng Rasulullah Muhammad *shallallahu 'alaihi wa sallam*. Sumrambah dhumateng keluarga lan para sahabatipun. Mugi kita sedaya pinaringan syafa'atipun benjang ing dinten kiyamat, amin.

Sumangga kita sedaya tansah hambudidaya lan ningkataken takwa dhumateng Allah Ta'ala kanthi saestu-estunipun takwa. Kita tindakaken sedaya punapa ingkang dados titahipun lan kita tilar sedaya punapa ingkang dados pepacuhipun Allah *subhanahu wata'ala*. Awit saking menika karakter mukmin ingkang sejatosipun.

Allah Ta'ala paring pangandikan,

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ

“He para wong Mukmin kabeh, sira padha wedia ing Allah kalawan sajatineng wedi, lan sira aja padha mati, kajaba mati Islam.” (QS. Ali Imran: 102)

Jamaah shalat Jumat arsyadakumullah

Kathahipun menungsa nginten bilih ganjaran saking njagi ibadah shalat menika namung wonten ing alam akhirat kemawon, mboten wonten ing pagesangan donya.

Padahal tiyang ingkang njagi shalat badhe keparing kebahagiaan lan katentreman batin ingkang menika luwih sae tinimbang donya lan perhiasanipun.

Mboten wonten perkawis ingkang saged nandingi nikmat kebahagiaan lan katentreman batin. Lan mboten wonten satunggaling amalan ingkang ndadosaken hamba saged bahagia kajawi munajat dhumateng Allah kanthi sarana ibadah shalat.

Shalat saged ndatengaken rezeki saking ngarsanipun Allah Subhanahu Wa Ta'ala. Kados firmanipun wonten ing al-Qur'an nalikaning Allah mrintahaken dhateng nabinipun:

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا نَحْنُ نَرْزُقُكَ

“Lan mrentahna tumindak Shalat marang ahlinira, lan sing tlaten sabar (dibetah) ngajak nindakake Shalat mau, Ingsun ora mundhut rezeki (ingon) marang sira, ananging malah Ingsun kang ngrezekeni (ngingoni) sira.” (QS. Thāhā: 132)

Imam Ibnu Katsir paring penjelasan babagan ayat sakmenika,

إِذَا أَقَمْتَ الصَّلَاةَ أَتَاكَ الرِّزْقُ مِنْ حَيْثُ لَا تَحْتَسِبُ

“Menawi shalat ditegakaken (kanthi sae) mila rezeki bakal tumeko marang sira tanpa dinyana-nyana.”

Kanthi menika ugi satunggaling ulama naminipun Imam Bakr bin Abdullah Al-Muzanni ngendika nalikaning keluarganipun nandhang sawijining hajat, *“Ayo padha tegakna shalat. Amarga Allah lan Rasulipun kang ndawuhake mekaten. Lajeng piyambakipun maosaken ayat sak menika.*

Mila kemawon mangga menawi kita manggihi entenipun kesempitan rezeki wonten ing gesang, sami instropeksi dateng ibadah shalatipun dospundi dipun jagi. Punapa sampun maksimal utawi dereng maksimal.

Jamaah shalat Jumat arsyadakumullah

Shalat menika cirinipun tiyang ingkang sae lan para ulama, malahan menika cirinipun para nabi lan rasul. Menika nabi Ibrahim *khalilurrahman* ingkang kersa nilar garwanipun ibunda Hajar lan putranipun Ismail wonten ing tengah gurun kang gersang, lajeng nyuwun dhumateng Allah *subhanahu wata'ala*,

رَبَّنَا إِنِّي أَسْكَنْتُ مِنْ ذُرِّيَّتِي بِوَادٍ غَيْرِ ذِي زَرْعٍ عِنْدَ بَيْتِكَ الْمُحَرَّمِ رَبَّنَا لِيُقِيمُوا الصَّلَاةَ فَاجْعَلْ

“Dhuh Pangeran kawula! Saestunipun kawula sampun ngenggenaken sabageyan anak turun kawula wonten ing jurang ingkang datan wonten tetanemanipun, iggih punika Dalem Paduka Baitullah, ingkang minulya. Dhuh Pangeran kawula! Kawula ngenggenaken tedhak turun kawula wau, supados sami nindakaken Shalat. Jalaran saking punika, mugi manahipun para manungsa, Paduka condhongaken dhateng panggenan punika, sarta mugi Paduka paring rezeki dhateng tetiyang wau rupi woh-wohan, mugi-mugi piyambakipun sami syukur!” (QS. Ibrahim: 3)

Nabi Ibrahim mboten tedha rezeki katur keluarganipun dhumateng Allah kajawi sampun ngajengaken syaratipun inggih menika njejegaken shalat. Pramila Allah paring kabul donganipun, sehingga dipun paring sumber air lan dhaharan.

Jamaah shalat Jumat arsyadakumullah

Menika ugi Ibunda Maryam, wanita ahli ibadah lan ahli taat ingkang Allah paring rezeki wonten ing panggenan shalatipun utawi ingkang kawestanan mihrab. Allah *subhanahu wata’ala* berfirman,

كَلَّمَا دَخَلَ عَلَيْهَا زَكَرِيَّا الْمِحْرَابَ وَجَدَ عِنْدَهَا رِزْقًا قَالَ يَمْرِئُمِ آتَىٰ لَكَ هَذَا قَالَ هُوَ مِنْ عِنْدِ اللَّهِ ۖ إِنَّ اللَّهَ يَرْزُقُ مَنْ يَشَاءُ بِغَيْرِ حِسَابٍ

“Sabab-sabab Zakariya mlebu ana ing pangimamane (mihrab), dheweke weruh ing sandhinge Maryam wusana panganan. Zakariya angucap pitakon, ‘He Maryam, saka ngendi tekaning panganan iki?’, wangsulane Maryam aris, ‘Tetedhan punika paringan saking ngarsaning Allah subhanahu wata’ala, sayektosipun Allah subhanahu wata’ala paring rezeki dhumateng tiyang ingkang dados keparenging karsanipun tanpa wicalan’.” (QS. Ali ‘Imran: 37)

Sinten kemawon ingkang melajari kisah ibunda Maryam piyambakipun bakal yakin bilih rezeki menika gumantung wonten ing ibadah shalat.

Munajatipun hamba wonten ing shalat, nyuwun hajat punapa kemawon mboten badhe dipun sia-siakan dening Allah *subhanahu wata'ala*.

Bahkan gusti Allah *subhanahu wata'ala* ingkang Maha Welas lan Asih badhe miyaraken rezekipun, ngicalaken kasisahanipun lan nyukani ganjaran ingkang tirah ageng ing alam akhirat benjing.

Jamaah shalat Jumat arsyadakumullah

Satunggal malih bukti menawi shalat punika saged lancaraken rezeki. Kisahipun nabi Syu'aib nalikaning dakwah dhumateng kaumipun supadhos mentauhidaken Allah swt. ananging kaumipun malah ngendhani banjur ngucap :

﴿قَالُوا يُشْعِبُ صَلَوَتُكَ تَأْمُرُكَ أَنْ تَتْرَكَ مَا يَعْبُدُ آبَاؤُنَا أَوْ أَنْ تَفْعَلَ فِي أَمْوَالِنَا مَا نَشَاءُ﴾

“Kaume Syu'aib matur: ‘Dhuh Nabi Syu'aib, punapa Shalat panjenengan punika ingkang andhawuhaken dhumateng panjenengan, supados kita nilar Pepundhen ingkang dipun sembah dening Bapa-bapa kita? Utawi ngawisi kita nglampahaken bandha sakajeng-kajeng kita? Saestunipun panjenengan punika tiyang ingkang lembah manah tur waskitha!’” (QS. Hud: 87)

Lajeng menika jawabipun nabi Syu'aib ingkang nyebataken rezeki jaminan saking Allah *subhanahu wata'ala*,

﴿قَالَ يَقُومُ أَرْعَيْتُمْ إِنْ كُنْتُ عَلَى بَيِّنَةٍ مِّن رَّبِّي وَرَزَقْنِي مِنْهُ رِزْقًا حَسَنًا﴾

“Nabi Syu'aib mangsuli: ‘He kaumku, kapriye pamawasira manawa aku kaparingan pituduh kang cetha saka Pangeranku, lan PanjenengaNe wus paring rezeki kang becik.’” (QS. Hud: 88)

Jamaah shalat Jumat arsyadakumullah

Menika bukti-bukti ingkang kiat bilih shalat saged agawe lancar rezeki lan jaminanipun saking ngarsanipun Allah swt. Rasulullah saw ugi negasaken wonten sabdonipun hadits qudsi:

﴿إِنَّ اللَّهَ تَعَالَى يَقُولُ: يَا ابْنَ آدَمَ، تَفَرَّغْ لِعِبَادَتِي أَمْلَأُ صَدْرَكَ غِنًى وَأَسَدَّ فَقْرَكَ، وَإِلَّا تَفْعَلْ مَلَأْتُ﴾

يَدِيكَ شُغْلًا وَلَمْ أُسَدِّ فَقْرَكَ

“Saktemene Allah dawuh, ‘He anak Adam, fokus manembaha marang Ingsun, Ingsun bakal gawe sira kecukupan lan bakal Ingsun alangi saka kefakiran. Menawa sira ora nandhang, ingsung bakal gawe sira saweg ribet lan ora bakal Ingsung alangi saka kefakiran.” (HR. At-Tirmizi No. 2466)

Mekaten materi khutbah Jumat ingkang saged kawula dhumatengaken, mugni dados pitutur ingkang manfaat lan nasehat ingkang minulya kunjuk khatib pribadi lan jamaah sedayanipun.

أَقُولُ قَوْلِي هَذَا وَأَسْتَغْفِرُ اللَّهَ لِي وَلَكُمْ وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ إِنَّهُ هُوَ الْغَفُورُ
الرَّحِيمُ.

KHUTBAH KEDUA

أَحْمَدُ رَبِّي وَأَشْكُرُهُ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ نَبِيَّنَا مُحَمَّدًا عَبْدُهُ
وَرَسُولُهُ

اللَّهُمَّ صَلِّ عَلَى نَبِيِّنَا مُحَمَّدٍ وَعَلَى آلِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ
عِبَادَ اللَّهِ، أَوْصِيكُمْ وَنَفْسِي بِتَقْوَى اللَّهِ عَزَّ وَجَلَّ حَيْثُ قَالَ تَبَارَكَ وَتَعَالَى، أَعُوذُ بِاللَّهِ مِنَ الشَّيْطَانِ
الرَّجِيمِ:

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُوا إِلَّا وَأَنْتُمْ مُسْلِمُونَ
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ إِنَّكَ سَمِيعٌ قَرِيبٌ
مُجِيبُ الدَّعْوَةِ

اللَّهُمَّ أَلْفَ بَيْنٍ قُلُوبِنَا، وَأَصْلِحْ ذَاتَ بَيْنِنَا، وَاهْدِنَا سُبُلَ السَّلَامِ، وَنَجِّنَا مِنَ الظُّلُمَاتِ إِلَى النُّورِ،
وَجَنِّبْنَا الْفَوَاحِشَ مَا ظَهَرَ مِنْهَا وَمَا بَطَنَ، وَبَارِكْ لَنَا فِي أَسْمَاعِنَا، وَأَبْصَارِنَا، وَقُلُوبِنَا، وَأَزْوَاجِنَا،

وَذُرِّيَاتِنَا، وَتُبْ عَلَيْنَا إِنَّكَ أَنْتَ التَّوَّابُ الرَّحِيمُ، وَاجْعَلْنَا شَاكِرِينَ لِنِعْمِكَ مُتَشِينِينَ بِهَا عَلَيْكَ، قَابِلِينَ
لَهَا، وَأَتِمِّمَهَا عَلَيْنَا

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِمُتَّقِينَ إِمَامًا

اللَّهُمَّ إِنَّا نَسْأَلُكَ الْهُدَى، وَالتُّقَى، وَالْعَفَافَ، وَالْغِنَى

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ

وَصَلَّى اللَّهُ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ

وَاذْكُرُوا اللَّهَ الْعَظِيمَ الْجَلِيلَ يَذْكُرْكُمْ، وَأَقِمِ الصَّلَاةَ